

州乘資



地 220.129

1279.1

5102

州邑之志通乎天下國家之故沿革損益之機賞罰是非之案非有博雅宏通才識並茂之士通達國體明析庶務與夫世道風會遷流之變無從感憤而爲此局外之迂圖誠肉食之未可遠謀也曩余飭兵淮揚揚屬通州則先從父會

峯公出守地也從其遺愛錄得山人邵
潛夫詩若文又得其詩文于泰州崔守
之去思錄泰亦揚屬也及通以簿書掌
故進而通之人物果列山人余於是心
儀之山人固自高潔不喜俗吏余亦未
遑式閭閻乃公今年余去淮揚山人遊

州乘資序

王方伯

二

武林始得物色山人而讀其所著州乘
資自萬曆丁丑迄今上一甲子先是
州有庚寅志已未志丁丑志庚寅頗傳
信而山人之乘過之其於秩官人物風
俗災祥建置徭役遺亡舛謬靡不搜羅
裁定言言剴切而感慨隨之美而不溢

諷而不阿誠信而足徵質而可傳也始
志中之南董哉乃吾微有憾於山人者
則余嘗行部再至通州而知民嚚訟胥
作奸士習囂而豪右武斷非可一端盡
也而山人顧有置弗論者豈孫盛之取
嫉王劭之見讎憂讒畏譏若有苦衷焉

不得已也然而發凡起例斷辭取義精
覈簡嚴卓然成一家言已余讀山人詩
若文旣又見其著作甚富非僅安定王
符斤斤一論而且畱心世務者蓋其生
平負澄清之志抱經濟之略無所發舒
故出其緒餘勒此惇史以裨益風猷其

功偉已而猶曰資之云者自爲恭也誠
荊州益部之鼎足而豈甘腴諾皋之脞
說云乎顧余以風塵冗散無能推舉而
徒誦其詩讀其書吾甚慙於邵子已雖
然山人立三大業固自千載人亦安所
藉於余哉 時

州乘資序

王方伯

崇禎丁丑歲夫月展上巳日

賜同進士出身中奉大夫浙江等處承
宣布政使司右布政使前河南按察
使司按察使整飭蘇松常鎮僭運糧
儲淮揚海防兵備湖廣浙江右參政

濟南王象晉謨



州乘資序



今之郡志古之國史也。江淹有言。修史之難。無出於志。誠以憲章所係。不得以浮靡之詞。虛妄之事。而參之也。吾通之志。凡七修矣。不佞所及見者。庚寅己未丁丑三志而已。世代遷移。文獻湮沒。或寡按據而多佚。或徇貴倨而鮮公。捫始寔難。繼述不易。蓋士大夫之子孫。不入先世於名賢不已。至於生負穢行者亦然。祈請弗獲。繼以行賕。甚至挾勢肆螫。秉觚者顧忌利害。畏縮首尾。卒窳定無完篇。州乘資自序

豈盡其舉也哉。嗟夫。魏書陳志。金粟交關。沈傳裴略。家門互易。國史且然。矧郡邑志乎。不佞甫弱冠。竊留心州志。凡涉志事。遠則求諸簡冊。近則徵諸耆舊。有所見聞。率日屬月索。書而藏之。已乃自萬曆丁丑。迄弘光乙酉。若譌舛遺亡。吏治俗尚。貢賦徭役。才賢節孝。災祥利弊。藝文靡不備載。爲卷四。爲類三十有八。勒成一家之言。命曰州乘資。或可資異日修志者之采擇云。其間辛巳以後。微有未詳者。以余流寓如皋故也。昔太史公直著武皇之

迷惑。張湯公孫弘之姦狡。漢君臣臨之而不諱。孫
盛直書桓溫枋頭失利事。溫怒之而不改。吳兢直
敘張昌宗誘張說證魏元忠事。說求之而不聽。是
寧減春秋書法哉。若今人則不敢作矣。作史宜爾
志。奚遜焉。不佞嗜古無成。不齒於世。敢希往哲之
風。且權非斧鉞。職存掌故。輒冒昧紀此。實作其匪
堪矣。然此乃不佞私家之書。是以無中制。無旁撓。
予復稱情。褒貶當意。無所隱。亦無所貸。文直事覈。
是非一秉於至公。夫公則直。直則公。卽犯人之忌。
州乘資

自序

遑恤哉。藉令不佞不言。則七十餘年之典故。寧不
遂佚而無所紀乎。卽有紀者。而不失真乎。或謂作
史多陰禍。不佞非不鑒班崔范魏之轍。顧此非史
也。吾紀吾通事也。然第不能虛美。誣實者。政以是
非之公。不明於世耳。知我舉我。聽之而已。他日修
志者。以不佞之心爲心。於是取資焉。毋以肘之掣
而曲其筆。則可稱志之董狐矣。噫。第恐後之視今。
亦猶今之視昔也。弘光乙酉二月芳春節五嶽外
臣邵潛書於如皋寓公廬之蟬蛸寄



州乘資目錄

卷之一 雜識

秩官

知州學正

同知訓導

判官總兵

吏目

選舉

進士任子

舉人儒士

歲貢知印

例貢吏員

封君

名宦

流寓

名臣

列傳

襍祥

山川

河渠

風俗

官制

學校

武備

城隍

社倉

朝賀

祀典

鄉飲

津梁

則壤

戶口

餽運

州乘資一

目錄

歲課

歲辦

貢賦

徭役

丁糧

仙釋

祠宇

寺觀

冢墓

遺事

州乘資卷之一

郡人 五嶽外臣 邵



雜識

於惟我州。在江之陬。事久日舛。世降日偷。考覈良難。轉移末繇。我謀于野。疇卽我謀。紀雜識。

秩官

史稱胡旦字周甫。宋眞宗咸平初。自潯州流入。移通州團練副使。姚闢字子張。宋仁宗慶曆間判通州乘資一

秩官

州。所至有聲。寃心經術。歐文忠王安石俱與之游。崔公度字伯易。高郵人。宋英宗神宗時知通州。終直龍圖閣。齊郭字公闢。越州會稽人。舉進士第。自梧州推官。累遷太嘗博士。知審刑詳議官。知通泰州。提點荆湖南路刑獄。黃齊字思賢。建安人。宋徽宗大觀時。以顯謨閣待制知通州。林宗放。宋光宗紹熙中爲通州教授。張定諸暨人。宋理宗端平中知通州。後改守德安。與賈似道趙葵不合。卒。不蘭奚。元順帝至元間。襲父職。爲水軍翼萬戶招討使。

鎮守江陰。移鎮通州。已上諸公。皆宜入秩官表。而
丁丑志僅載齊郭不蘭。奚于遺事中。餘置不錄。
先廷評諱旻。字天民。以永樂十八年庚子舉于鄉。
時報捷者。知州閻敦。同知歐智。州判党孝暹。吏目
唐珪。學正潘靖。訓導申毅。葉文。及登二十二年甲
辰科進士。報捷者。知州閻敦。同知歐智。州判江旻。
吏目唐珪。學正潘靖。訓導申毅。樊坪。丁丑志有嚴
敦大。而無閻敦。其有此二人相繼耶。抑嚴爲閻之
誤耶。江党非同知。葉唐樊之見遺。則舊志未之核
耳。

余閱嘉靖二十三年甲辰科會試錄。其對讀官。則
直隸揚州府通州知州張禹弼也。字汝林。山西平
定州人。乙酉舉人。考庚寅己未丁丑志皆不載。竟
不知何年莅任。繇此推之。遺漏者似不少。

萬曆八年。知州鄺祖禹。湖廣臨武人。繇舉人。吏目
侯孔鑄。北直昌平人。繇監生。學正杜濟民。南直臨
淮人。訓導褚鳳霄。南直華亭人。十年。同知夏松。湖
廣寧鄉人。繇貢生。判官錢廷璟。浙江餘姚人。繇知

印。十一年判官胡仲合。湖廣蘄水人。繇舉人。吏目朱正言。浙江海鹽人。繇監生。訓導傅本滋。湖廣漢川人。方治。南直鳳陽長淮衛人。十二年知州蔣洽。浙江錢塘人。繇舉人。同知彭士祖。江西安福人。繇貢生。學正梁聰。廣東新興人。繇舉人。十三年判官李恕。山東臨邑人。繇吏員。訓導彭文。貴州平越衛人。十四年同知趙子義。江西南豐人。繇貢生。吏目黃休振。福建莆田人。繇吏員。學正王文德。南直華亭人。訓導吳儒。河南羅山人。王養正。河南密縣人。

州乘資一

秩官

三

十五年知州張和中。山東濱州人。丙戌進士。十六年吏目范守業。山東棠邑人。繇監生。訓導王必進。山東濱州人。十七年判官周大階。浙江會稽人。繇吏員。吏目張班。山東單縣人。繇吏員。訓導李希說。南直貴池人。龔藻。四川名山人。陳達。南直定遠人。十九年知州馬有慶。四川宜賓人。繇舉人。同知王汝翼。山東福山人。繇貢生。學正何訓。南直合肥人。訓導金洪相。浙江秀水人。二十年知州李正芳。雲南三泊人。繇舉人。二十一年判官施大順。江西臨

川人。繇吏員。二十二年。吏目劉去浮。山東壽光人。
繇儒士。二十三年。吏目鄭自新。江西玉山人。繇監
生。二十四年。知州王之城。山東新城人。繇恩貢。學
正唐廷論。湖廣湘潭人。二十五年。學正李士弘。四
川內江人。繇舉人。二十六年。同知楊于廷。陝西安
塞人。繇貢生。卒于官。學正申田。北直靈壽人。己丑
進士。二十七年。知州栗永馨。山西長治人。繇舉人。
同知王嘉言。山東登州成山衛人。繇貢生。判官陸
夢卜。浙江餘姚人。繇監生。吏目喻仲富。湖廣石首
州乘資一

秩官

四

人。繇吏員。二十八年。判官陳夢鯉。浙江山陰人。繇
選貢。學正楊杰。山西翼城人。訓導嚴懋昭。浙江歸
安人。汪傑。湖廣石門人。耿中孚。南直當塗人。任教
江西萬安人。三十年。學正馬載經。南直上元人。訓
導邢仕誠。南直高淳人。三十一年。同知楊于朝。河
南延津人。繇貢生。判官楊先壽。山東長清人。繇吏
員。三十二年。知州張星。湖廣蘄水人。繇舉人。吏目
黃宗。江西豐城人。繇吏員。學正褚用章。南直華亭
人。繇舉人。訓導朱雲鳳。南直吳江人。譚嘉言。南直

桐城人。三十三年。吏目薛嘗吉。浙江烏程人。繇吏員。三十五年。知州李永芳。山東德平人。繇舉人。同知洪憲。廣東澄海人。繇貢生。判官王希堯。河南涉縣人。繇吏員。吏目胡文志。浙江湯溪人。繇吏員。學正蔣從教。南直丹陽人。三十六年。知州張文華。四川內江人。癸未進士。以僉事左遷。吏目劉三畏。山東單縣人。繇監生。訓導邢之表。南直當塗人。三十六年。訓導殷龍祥。南直鹽城人。三十七年。知州王芮。浙江慈谿人。繇舉人。同知鄒明徵。福建清流人。州乘資一

秩官

五

繇貢生。判官高國驊。福建莆田人。繇吏員。添註判官吳龍徵。福建晉江人。癸未進士。以御史左遷。三十八年。吏目張師朱。北直固安人。繇知印。三十九年。同知徐天蓋。江西玉山人。繇貢生。判官郭光祚。廣東清遠人。繇選貢。學正鍾光岳。廣東順德人。繇舉人。訓導郭茂。南直合肥人。卒于官。梁有桂。廣東石城人。四十年。同知楊夢得。廣東普寧人。繇選貢。訓導唐維典。南直含山人。四十一年。知州張獻圖。河南雒陽人。繇舉人。四十二年。吏目歐陽遵。湖廣

安仁人。繇監生。四十三年。判官張德政。浙江仁和人。繇選貢。訓導劉令德。南直含山人。張維。山西襄陵人。四十四年。知州福文明。北直東安人。繇舉人。同知項澄。江西靖安人。繇貢生。吏目張懋德。福建侯官人。繇監生。訓導錢紀。南直江陰人。四十六年。判官范永年。北直吳橋人。繇選貢。學正萬德綱。南直宜興人。繇舉人。四十七年。同知陳廷策。江西南城人。繇貢生。判官何懋灼。福建福清人。繇選貢。吏目陳廷桂。山東武定州人。繇監生。學正錢廷贊。南州乘資一

秩官

六

直武進人。卒于官。訓導張令聞。南直山陽人。劉湖。山東昌樂人。林先春。南直貴池人。泰昌元年。知州周長應。四川江津人。已未進士。同知莫維翰。福建福清人。繇歲貢。天啓元年。吏目盧冲極。山西曲沃人。繇監生。三年。學正符元東。廣東瓊州人。訓導章進之。南直沐陽人。五年。知州陳祖訓。浙江海鹽人。繇舉人。判官王之楷。湖廣隨州人。繇監生。吏目王炤。浙江會稽人。繇吏員。學正翟師有。山西襄陵人。繇舉人。訓導吳應雷。南直鳳陽人。楊伯蒨。南直山

陽人。六年同知李映化。北直房山人。繇貢生。七年判官王承恩。浙江會稽人。繇例貢。訓導楊文禎。四川南充人。王祚昌。南直金山衛人。崇禎元年。知州董發帷。山東定陶人。繇舉人。判官陳日新。浙江杭州人。繇貢生。吏目謝以教。福建同安人。繇監生。二年。同知陳士修。福建莆田人。繇貢生。尋汰去。判官童自明。浙江會稽人。繇吏員。學正張爾侯。南直華亭人。繇舉人。三年。判官丁承芳。浙江山陰人。繇准貢。吏目吳崇壽。福建建寧人。繇吏員。訓導王良弼。

州乘資一

秩官

七

南直舒城人。徐景修。浙江武康人。四年。知州陳大對。福建晉江人。丙辰進士。浙江提學副使左遷。五年。判官章尚綱。浙江上虞人。繇歲貢。吏目白精。陝西澄城人。繇吏員。卒于官。六年。知州董嗣樸。山東萊陽人。繇舉人。判官閻思誠。湖廣鄖西人。繇恩貢。吏目胡申龍。浙江錢塘人。繇吏員。訓導屈啓元。南直吳江人。七年。知州彭希賢。河南宜陽人。繇舉人。吏目周舜華。浙江山陰人。繇吏員。學正晉承憲。山西洪洞人。繇舉人。卒于官。訓導李懋修。南直合肥

人。九年。判官郭有道。浙江山陰人。繇監生。訓導郎士玉。南直山陽人。十年。吏目區養才。廣東高要人。繇吏員。學正劉永慶。南直睢寧人。繇舉人。十一年。知州方大猷。浙江烏程人。丁丑進士。十三年。知州唐煜。福建莆田人。庚辰進士。判官徐光裕。浙江會稽人。繇監生。吏目周應雷。江西臨川人。繇監生。訓導陳所履。南直潁上人。十四年。學正朱由機。江西南城宗籍。繇舉人。訓導吳用洗。北直衡水人。十五年。知州董颺先。福建漳州人。丁丑進士。十六年。知州乘資一。

秩官

人

州李鄴。北直大興人。繇舉人。判官卓越。福建僊遊人。繇拔貢。學正馬之光。南直六安州人。繇舉人。訓導姜志棟。南直丹陽人。十七年。吏目林日煥。福建莆田人。繇監生。

狼山副總兵

萬曆元年。李超。松門衛都指揮使。陞浙江總兵。都督僉事。二年。陳其可。廣洋衛指揮使。陞南京前府都督僉事。四年。戚繼美。登州衛指揮。陞貴州總兵。都督僉事。九年。侯繼高。金山衛指揮同知。陞廣東

總兵。都督僉事。十年。沈思學。宿州衛指揮。陞四川
總兵。都督僉事。十一年。吳鯨。徐州人。南昌衛正千
戶。陞南京前府都督僉事。十三年。陳璘。廣東翁源
人。陞援遼總兵。都督僉事。十四年。譚敬承。長沙衛
千戶。辛未進士。陞貴州總兵。都督僉事。十五年。王
有翼。鐵嶺衛都指揮使。十七年。朱先。蘇州衛指揮
使。武舉人。陞廣東總兵。都督僉事。十九年。張榜。處
州衛指揮僉事。二十年。沈思學。二十三年。王椿。杭
州衛千戶。甲戌進士。陞福建總兵。二十四年。王鳴
州乘資一

秩官

九

鶴。淮安衛指揮同知。丙戌進士。陞廣西挂印總兵。
都督同知。二十八年。李遇文。宣州衛指揮。武舉人。
改湖廣源州總兵。黃榜。霍丘縣人。贛州衛千戶。三
十年。侯國弼。泉州衛指揮僉事。調吳淞總兵。都督
僉事。三十二年。萬邦孚。寧波衛指揮僉事。繇薦舉。
陞福建總兵。都督僉事。三十五年。孫繩祖。壽州衛
百戶。三十九年。周文耀。濟寧衛指揮使。卒于官。四
十三年。張彥芳。益都人。辛丑進士。陞貴州總兵。都
督僉事。四十七年。楊應春。孝陵衛指揮。己丑進士。